



[Faint, illegible handwriting]

•••
KIM











148



17.

i. N. 7.

DISPUTATIO INAUGURALIS

De

**SUMMARIIS-
MO POSSESSORIO**

Quam

Ex Decreto & Autoritate Magnifici Jctorum

Ordinis in Celeberrima Academia Wittebergensi

SUB PRÆSIDIO.

DN. GOTHOFREDI SVEVI

Jcti, Cod: Professoris Publici, Collegij Juridici nec

non Curia Provincialis & Consistorij Ecclesiastici, ut & dicasterij

Lusatia Inferioris Assessoris gravissimi, Patroni sui ut meriti,

ita demerendi

PRO LICENTIA

Summos in Vtroq; Jure consequendi honores publico Exa-

mini submittit

CHRISTIANUS WESSE

Curia Provincialis & Consistorij Ecclesiastici.

Advocatus Ordinarius

Ad diem 12. Julij

Horis ante & pomeridianis

In Auditorio Majori

Typis JOHANNIS RÖHNERI Acad. Typographi

ANNO M DCLV.



Faint, illegible text, likely bleed-through from the reverse side of the page. The text is mirrored and difficult to decipher.



MAGNIFICO RECTORI

V I R I S

Plurimum REVERENDIS, AMPLISSI-
MIS, Consultissimis, Experientissimis Excel-
lentissimis, Clarissimis, Dnn. Antecessoribus
& Patribus Inclytæ hujus Academiae Cele-
herrimis &c. Dnn. Patronis & Evergetis
æviternum colendis

S. & O.

Diu multumq; Magnifice Rector, nec non ceteri Pa-
tres Academiae Conscripti, Domini Patroni & Eu-
ergetæ summoperè colendi, diu multumq;, inquam,
mecum deliberanti, cui unquam quale quale hoc
solemne Specimen pro more inscriberem, successit tandem, nul-
li plus, quàm Vobis, me debere, neminemq; magis, quàm Vos,
jure suo à me hoc postulare. Etenim Exercitium ipsum si con-
sidero, jure hoc Academia Vra à me exigit. Illa quippe studio-
rum meorum Mater; hinc prima eorum semina jeci, progressus
feci, metam attigi. Non immerito itaq; illud tanquam fructum
quendam eò, unde prognatum, referre non dubitavi. *Vras.*
Magnific: Amplit: atq; Excell: si suspicio, præteritorumq; re-
cordor, Vestra in me merita & beneficia satis magna existunt, ut
nunquam sufficienter collaudare ea, nunquam referre possim.
Nullus quippo Vestrum est, quin vel Præceptoris loco, vel aliàs de
studijs meis valdè meritus, vel etiam singulari me affectu ami-
citiæq;, prosequutus fuerit. Insuper in Vestro gremio quasi
constitutus adhuc foveor, tutelâ, privilegijs beneficijsq; Aca-
demia utendo fruendo. Futura tandem si prospicio, quotus
quisq; erit, quo de meliora, Benevolentia Vestra fretus, sperare,

A 2.

vel

vel promittere mihi meisq; possim. Jure meritoq; ergo *VV.*
Magnif: Ampl: & Excell: hoc quale quale Exercitium dedi-
care & debui & volui, dcmissè illud ad pedes Vestros ponendo.
Suscipite igitur, Magnifice Rector, nec non ceteri Patres Aca-
demici, Dnn. Patroni & Evergetæ summè Honorandi, placido
ac sereno Vultu munusculum hoc chartaceum quantum quan-
tum, in Vestri scil: admirationem, observantia monumentum,
debitaq; gratitudinis signum. Oro Deum ter Opt: Max:
ut Almam hanc Leucoream semper sartam tectam conservare,
Vobisq; Evergetæ, beneficia in me collata quàm copiosissimè re-
fundere, nec non omnes & singulos incolumes florentesq;
quàm diutissimè prestare hic, actandem felicitate eternâ co-
ronare velit. Quod superest, Patroni, etiam atq; etiam rogo,
ut ulterius favere mihi, meosq; parvulos in Clientum vestro-
rum album referre haud dedignari velit. Valete, florete.
Vitebergæ, 19. Junij Anno 1655.

VV.

Magnif:

Amplit:

Excell:

Observantissimus

Christianus Wehse
Cur: Provinc: & Consist:
Eccl: Advoc: Ord:



IN NOMINE DOMINI NOSTRI
JESU CHRISTI

ad omnes actus semper progredimur *l. 1. § 2. Cod: de
off: pref: Prat: Afr: § proem: Instit: Imper:*

Procemium.



Uod Jctus Ulpianus de Restitutio-
nis in integrum materia effatus est, utili-
tatem ejus non egere commendatione,
ipsam enim se ostendere; *l. 1. ff. de restit: in
integr.* Illud de Possessorij judicio non
immeritò quis dixerit. Quanta enim
præstantia, quanta utilitas ipsius sit, cùm ex jure constat
satis, tùm ij præcipuè norunt, in foro qui versantur. Nul-
la enim in praxi tam in superioribus Tribunalibus
quàm interioribus subsellijs frequentior quam posses-
sionum controversia est. *Dn. Carpz. Resp: lib: 1. tit: 9. resp: 9.*
Cum itaq; in jure nostro frequentiora. *l. 1. ff. de susp. tut.*
& quotidiana *l. 25. ff. de lib: leg.* tractanda potissimum sint;
& ex Electorali Rescripto mihi cùm Alumno quondam,
tùm verò in numerum Advocatorum Inclytæ Curia hu-
jus provincialis clementissimè recepto, Licentiam in ju-
re assumendi necessitas incumbat; hac de materia in me-
dium aliquid proferre pro virili constitui. Venti-
latur autem omnis possessionis controversia judicio
possessorio: id quod vel ordinarium seu plenarium;
vel Extraordinarium seu Summarium sive sum-
mariissimum. Illo, juris ordine servato, & possessionis

A 3

causâ

causâ plenariè cognitâ; in hoc contrâ proceditur. Hac viceitaq; Divinâ favente gratiâ, de Possessorio Summario seu summarissimo nostra instituta Disputatio est. Dispersimus autem illam in duo membra, in *ὀνοματολογία* scil: & *πραγματολογία*, seu, definitionem nominalem & realem; illa Etymologiâ, Homonymiâ, & Synonymiâ absolvitur; hæc ejusdem causas, effectum, affinia & contraria comprehendit. sit ergò.

Membrum I.

De

ONOMATOLOGIA.

§

§. 1. Onomatologiam itaq;, & quidem Etymologiam, quod attinet, Possessorium nostrum Judicium ideò Summarium, seu Summarissimum, *Neviz: Conf: 81. n. 7. Alciat: resp: 386. n. 1. Cagnol: in XI. pari. n. 6. ff. de Reg: Jur: appellatur, quòd in eo summariter, compendiosè, ordine & processu juris non observato, celeriter procedatur: clem: sepè de V. S. & clem dispendiosam de Jud: l. si coloni C. de agric: & cens:.*

§. 2. Etymologiam Homonymia excipit. Habentur equidem ejusmodi causæ summaria plures, ut videre licet in *ord: tam: p. 3. c. 3. easq; congesserunt Marant: p. 4. dist. 9 Zang p. 1. c. 1. n. 55. & seqq. Jac: Schult: obs: 3. & alij;* hoc tamen nostrum *κατ' ἐξ ὀνόματι* Summarij nomen apud Interpp: meretur: *l. 13. §. 3. ff. de usufr: l. fin: ff. de off: proc: Cas: Multò enim dignius, majorisq; momenti est, quàm reliqua judicia summaria; in hoc quippè si moræ nechtantur, pax & tranquillitas Reip: magis turbari & labefactari potest: adeoq; maturius & levato penitus velo in illo, quàm in reliquis ferè, progredi oporteat.*

§. 3. Undè etiam Synonymicè *momentaneum* vocatur, primò quidem à momento seu temporis brevitate, *Isid: Etym: c. 25. lib 5. quòd nempe in nullam moram produci debeat. l. 1. C. si per vim l. 8 C. unde vi.* Deinde quod sententia in eo lata Interlocutoria sit; nec perpetuum sed temporale saltem præjudicium afferat, quod postea in Ordinario possessorio vel petitorio

repa:

reparari possit. *Gail: 1. 0. 7. n. 6. Myns: Cent. 6. O. 13. n. 5. Covarr. pp. 99. c. 17. n. 1.*

§ 4. Hinc quoq; possessio illa, quæ in hoc iudicio alteri decernitur, non certa & perpetua, sed temporaria tantum, fiduciaria & veluti depositaria, adeoq; repetibilis est *Vult: ad d. l. un. C. ubi de poss. n. 29. Rauchb: p. 2. 9. 6. n. 69.*

§ 5. Belgis vocatur *provisionale remedium*; Gallis, *Recre- dentia*, vel *casus Novitatis*; Malsveri: *in pract: tit: de possess. lis vindiciarum ex Bud: Gail: 1. 0. 5. n. 4. Contard: rubri. l. un. C. si de mom: poss: n. 30. Covarr: d. loc: Hispanis Interim Covarr: d. loc. In Cam: Imper: causa litigiosa vel momentanea possessionis; processus informativus, Gail: d. loc: & obs. 5. n. 3. Rol: à Vall: vol. 4. Cons 8. n. 24.*

§ 6. Non inconcinnè quoq; docendi gratiâ *interdictum conservanda possessionis* appellari potest, cum *Bl. in c. 1. in fin. de prohib. feud: al. Ripa, & Bologn: in l. 12. n. 48. & 442 ff. de acquir: poss: l. 3. §. missum ff. de Carb. edict: Covarr: d. loc: vel Retinenda, cum eodem Bl. in l. Ordinarij C. de rei vind: licet minus propriè, quatenus Retinendæ ordinariam respicit.*

§ 7. Hæc de Onomatologia; sequitur pragmatologia; seu definitio realis, quæ causas & reliqua possessorij nostri continet.

MEMBRUM II.

De

PRAGMATOLOGIA,

Tit. I.

De Definitione.

§

§. 1. Definiri Summarissimum nostrum possessorium potest, quod sit iudicium legibus, commentationibusq; Interpp: introductum, in quo Iudex vel imploratus, vel etiam ex officio, juris ordine vel processu non servato, celeriter procedit, & summarie possessionis litigiosæ causâ cognitâ, alterum litigantium in possessione momentaria constituit, donec in possessorio ordinario causa veræ possessionis, vel proprietatis in petitorio, plenariè *Menoch. d. rem. ult. ret. poss: n. 1. Capic. decis. 5. 5. & 96. Castrens. vol. 2. cons. 3. Covarr. d. loc. Mar. p. 4. dist. 9. n. 43. in fin.*

in fin: ord: Cam: p. 2. t. 2. Vult: d. loc. n. 29. Frid. Mind. d. process: lib. 2. c. 44. & 45, ventiletur & finiatur. Quæ definitio ex subseqq. clarius & distinctius apparebit.

Tit: II.

De Causa Efficiente.

§. 1. Causa efficiens hujus judicij Principalis Remota est jus Civile, *text: in d. l. 13. §. equissimum ff. de usufr: ubi decisum, judicis officio incumbere, rem ita componere inter litigantes, ne ad arma & contentionem accedant. l. si coloni G. de agr: & cens: lib: II. ibi; celeri reformatione, l. liberis 7. §. fin: ff. de lib: caus: ubi habetur; oportere summam tractare de possessione libertatis vel servitutis, ut constet, quis actor sit, quis reus, & quid lite pendente agendum d. l. fin. C. de off: proc: Cas: l. si super possessione 9. C. de transact: l. pen: ff. de ag. quot: & est. l. 1. §. 2. ff. de itin: abtug, priv: Nec non id securum jus Canonicum c. cum vgnissent 6. X. de Instit: Ubi Pontifex Innocent: III. decidit, Archidiaconum Richimundia in possessione juris instituendi ministrum tuendum esse, donec ex parte Eboracensis Arch: Episcopi contrarium probetur, quod jus instituendi ad illum solum tanquam Diocessanum spectet.*

§. 2. Causa efficiens propinqua sunt Juris Interpretes: ijq; potissimum Practici: Veluti Jac: Butrigar: in l. incerti C. de Interd: Lanfrancq; in rubr: de caus: poss: & propr: Paul: Castrensis d. Consil: 3. vol. 2. Masverius in pract: tit. de possessorio. Curt. Sen. Conf: 60. Paris. Conf: 168. lib. 4. Plotus in repet: l. si quando Cod. unde vi. §. 3. n. 35. & seqq. Capic: decis. 55. 96. & 189. Covarr. pp. 99. d. c. 17. & alij, vid: Dn: Carpz: lib: 1. Resp: t. 2. r. 9.

§. 3. Impugnat autem & reprobat Franc. Sarmient. lib. 2. select. c. 13. distinctionem judicij possessorij in ordinarium & summarium seu summarissimum; quasi scil: nullum ejus vestigium in universo jure extet, sed Purum commentum Interpretum sit; statuitq; possessorium summarissimum ab interdicto uti possidetis, nil quicquam differre d. loc. n. 9. Eamq; divisionem in jure inauditam esse, affirmat quoq; Baro ad tit: Instit: de Interd. Nec non confictam, falsam, fucatam, & magis Dd. som.

somnio, quam ullibi in Jure fundatam asserit *Petr. Frid. Mind:*
tr: de interd: Comm: 13. n. 24. & seqq:

§. 4. Et, si verba quidem spectemus, distinctionem istam expressi juris non esse, facile Sarmiento concedendum; verum rem ipsam si consideremus, divisionem illam juris rationi optimè convenire, nemo negabit unquam. Ulp: quidem in *leg. 1. §. 3 ff. uti possid.* sic scribit; sed si inter ipsas contendatur quis alteruter se magis possidere affirmat, tunc si res soli sit, in cuius possessione contenditur, ad hoc interdictum uti possidetis remittitur.

§. 5. Verum enim verò, quoniam interdictum uti possidetis ordinarium est, adeoq; juris ordine servato in eo procedendum; periculum autem sit, interea dum cognoscitur, uter possideat, ne rixæ, tumultus aut cœdes inter litigantes oriantur, certè Judex prudenter aget, re summam cognitâ, confestim alterum ex litigatoribus possessorem interim declarando, donec in ordinario possessorio plenius res cognoscatur *arg. d. l. 13. §. 3. equis: ff. de usufr. Menoch. in remed. ult: retin. n. 1. & seqq. Fachin: lib. 9. contr: c. 15. Dn. Carpz. d. lib: 1. t. 2. resp: 9.* Quæ res ab Interpp: summarissimum seu momentaneum possessorium dicitur.

§. 6. Eumq; processum à summa antiquitate repetitum ex Cicerone Orat: pro cecin: annotat *Dn: Carpz: d. loc: n. 15.* Quo loco Cic: in terminis summarissimi possessorij subsistens, super ordinario possessorio & petitorio his verbis protestatur: Nondum de tuâ causâ (principali) quæro, nondum de jure possessionis disputo. &c. Confirmat constitutio Imperij *de litig: poss: p. 2. ord: tit: 2 1. in fin: ibi;* in possessorio plenario, quod determinatâ momentaneâ possessione salvum adhuc sit &c.

7. §. Et clarè quidem hinc constat, diversa esse Interdictum retinendæ, & hoc possessorium summarissimum; illud enim principaliter & ab initio proponitur, quis possessor verus & certus sit & lite pendente super proprietate, in judicium deducitur, *l. 12. §. 1. ff. de acquir. poss.* ac verè possessionem respicit, de eaq; & super ea pronuntiandum est. Id quod vim perpetuam habet, ita ut possessor defendatur & remaneat in possessione,
B quo.

quousq; pars altera in petitorio obtinuerit; *l. 35. ff. d. acquir poss:*
Hujus autem nostri non ea vis & natura est, ut sententiæ super
possessione plenâ, certâ & irrepitibili feratur; vel ut definiti-
vè pronuncietur, quis, num Actor, num reus, verè possessor sit:
Sed hoc tantum agitur, ut actor vel reus lite pendente, quia
sit in possessione vel quasi, minimè in eâ turbetur; absq; præju-
dicio tamen juris alterius partis, tam in possessione (certâ scil:
& plenâ) quàm in proprietate; super qua re sententia interlo-
cutoria fertur, uti hæc explicantur à Covarr: *d. loc: c. 17. n. 1. Castr:*
d. loc: n. 1: add. Menoch. d. loc. n. 7. & seqq cum ibid: alleg Dn: Carpz:
d. l. 1. t. 2. r. 9.

§. 8. Hæc de causâ efficiente principali; sequitur mi-
nus principalis, impulsiva scil: quæ vel interna vel externa.

§. 9. Interna seu *προνυσμένη*, quæ Jctos, Impp: & pra-
cticos ad celerem hunc judicij modum introducendum impu-
lit, est justitiæ administratio, nec non Reipublicæ salus, quæ
Jurisprudentiæ nostræ finis. Admodum enim frequens in Re-
publ: de possessionibus cum periculo armorum conjuncta
contentio est; qua ratione turbari & deturbari Respubl. solet,
id quod præcaveri & averri omninò expedit.

§. 10. Hinc in ejusmodi casu, cum nempè neuter li-
tigantium actoris partes subire vult, sed in possessione, sese in-
vicem turbando & inquietando, sua manu & autoritate pro-
priâ se tueri, vel eam armatâ manu apprehendere, vel alteruter
spoliatam recuperare nituntur, adeoq; periculum sit, ne res ad
arma veniat, magistratus, licet non imploratus, ex officio par-
tes suas, decernendo mandata pœnalia de non turbando, inter-
ponit, *arg: l. 13. ff. de usufr. Castr: d. loc. n. 2. Men. d. loc: n. 12. Mind: de*
proces. lib. 1. c. 45. Gail: d. l. 1. O. 5. n. 2. Dn. Carpz. d. loc: resp: 10. n. 10.
seqq:

§. 11. Externa est partium de possessione vel adipiscen-
da, vel retinenda & conservanda, vel recuperanda, contenden-
tium imploratio. Judex enim in causa privata regulariter of-
ficium suum non impertitur, nisi imploratus, *l. 4 §. 8. ff. de dam:*
inf. c. bona memoria de postul: prelat: cum gl. ibi: in verb. curavimus.
Et hæc de causâ efficiente.

Tic

DE MATERIA in qua, & circa quam, seu Sub-
jecto & Objecto.

§

§. 1. Materia in qua seu Subjectum sunt personæ Judi-
cium hoc exercentes; Judex scil: competens, & partes de pos-
sessione litigantes.

§. 2. Ille est, in cujus territorio res, de cujus possessio-
ne controversatur, sita est, *l. un. C. ubi de poss. agi oport. l. un. C. ubi
de hered. ag. Zang. de exc. p. 2. c. 1. n. 312.*

§. 3. Vel ubi Reus domicilium habet, ita ut electio sit
Actoris, *l. fin. C. ubi in rem act. Ubi Vult. §. d. l. un. C. ubi de poss. ag.
op. arg: l. 19. §. 9. de jud:*

§. 4. Vel deniq; ubi vis & turbatio facta est, *d. l. un. C.
ubi de poss. Zang. d. loc. n. 328. §. seqq. Vult. quidem d. loc. n. 42. in
hoc nostro summarissimo locum rei sitæ saltem requirere, ve-
rum ejus rei sat rationis ostendere non videtur.*

§. 5. Personæ litigantes sunt eæ, quæ legitimam perso-
nam standi in judicio habent: *t. t. C. qui legit. pers. stand.* Sive
naturaliter & civiliter simul possideant, sive naturaliter tan-
tum, *Menoch. d. loc. n. 14. §. 15.* Cum enim hic possessioni spo-
liatæ restituendus sit, *id: Men: recup: poss: rem: 1. quest: 5,* multo
fortius in eâ conservandus, *id: d. ret. rem. ult. n. 15.* Idem juris
est in Detentoribus *l. 37 ff. de don. ubi Castr: Covar: d. loc. n. 5. vs.
sic sanè. Men: d. ret. rem. ult. n. 18 §. recup: rem: ult. n. 21. Pruckm.
d. conf. 32. n. 54.*

§. 6. Non autem datur civiliter tantum possidenti con-
tra naturalem possessorem; sed erit ipsi agendum interdictis
ordinarijs & possessorijs, veluti unde vi, aut uti possidetis *arg:
l. clam. 6. §. un: ff. d. acquir: poss: benè tamen contra civilem, cor-
porali rerum possessione destitutum, quo casu pares, Cov: de
loc. n. 5. Masverius d. loc: n. 42. Men: d. ret. rem. ult. n. 16. §. 17. cum
ib. alleg.*

§. 7. Quin & illi possessori datur, contra quem pro par-
te adversa militat ptasumptio juris communis; veluti, vindi-

canti sibi jus pascendi in alieno prædio, pro quo libertatis præsumptio est, *id. Cov. d. loc. vers. undecimo. Capic. decis. 189. Men. d. loc. n. 21. & seqq. & recup. rem. ult. n. 33.*

§. 8. Materia circa quam seu objectum summariissimi nostri est ipsa causa possessionis controversæ.

§. 9. Cum autem de possessione jure prætorio tripliciter agatur, vel de adipiscendâ nunquam habitâ vel de recuperandâ amissâ, vel de retinendâ turbatâ; Utrum Summariissimum nostrum in omnibus hisce casibus locum habeat, dubio non caret, *Rauchb. p. 2. q. 6. n. 73. & seqq.*

§. 10. Alij retinendæ tantum possessionis interdicto hoc tribuunt, veluti refert *Contard. ad b. tit. intell. C. si de mom. poss. fu. appel. Men. d. ret. rem. ult. n. 7. Donell. lib. 7. Com. c. 17. Rauchb. d. loc. Idq; etiam hodiè frequentissimum, vid. Vult. in d. L. un. n. 31. C. ubi de poss. ag. op.*

§. 11. Alij illud ad spoliatam, adeoq; recuperandam, possessionem restringunt, *Vult. d. loc. n. 31. 34. & seqq. junct. l. 8. & t. t. C. unde vi. Wesemb. Cons. l. n. 13.*

§. 12. Quidam generalem hujus remedij usum, adeoq; in causa possessionis adipiscendæ quoq; locum habere asserunt, *Vult. d. l. n. 36. Gail. l. 1. O. 5. n. 8. Frid. d. l. 1. c. 44. ib. 3. Vid. Contard. d. l. tit. ampliat. 5. q. 5. n. 96. Quò in specie referunt l. fin. C. de edict. D. Adr. toll. Interdictum Salvianum, quorum bonorum &c. Rauchb. d. loc.*

§. 13. Concludimus ergò ex his, in omni tam adipiscendâ & retinendâ, quam recuperandâ possessione iudicio huic locum esse, salvo aliorum iudicio. *Contard. d. loc. tit. intell. n. 1. cum ib. alleg. & t. t. ampl. n. 2. cum seqq. tit. n. 34. 35. 36. & seqq. Marant. 2. act. n. 205. Quanquam ut plurimum hodiè prima opinio usu forensi obtineat.*

§. 14. In Camera quidem Imperali summariissimum istud, nec in quolibet iudicio retinendæ, vel etiam simplicisurbatione, ubi non subest metus armorum, sed saltem in casu litigiosæ possessionis, & causa spoliij, & quidem inter immediatè Imperio subjectos, locum habet. *Ord. cam. p. 2. tit. 21. & p. 3. t. 3. Gail. de obs. 5. 6. & 7. Myns. C. L. O. 96. Mind. d. l. 1. c. 43. In alijs autem iudi-*

judicijs etiam extra istas causas, & inter cujuscunq; status vel conditionis subditos mediatos, tam nobiles, quam plebejos & rusticos, coram ordinarijs quoq; judiciibus & magistratibus red-
ditur *Plorid loc: §. 3. n. 35. seq. Gail: dd. ll. Rauchb. d. loc: n. 74.*

§. 15. Idq; procedit, siue res, cujus de possessione litiga-
tur, sit Corporalis, eaq; vel mobilis vel immobilis; siue Incor-
poralis, ut jus aliquod, veluti jurisdictio, jus venandi, pascen-
di, collectandi, ædificandi, annuorum reddituum, decimarum
&c. Id quod ex materia *Inter dd: & Dd. alleg: constat.* Et hæc
quoq; de Materia; succedit forma.

Tit: IV.

De

FORMA.

§

§. 1. Formam Summarissimi nostri in processu poni-
mus. Proceditur scil: in eo summarie, siue summaria non ple-
naria causa cognitione habitâ, veluti dici solet, *simpliciter, de
plano, sine figura & strepitu judicij, ordine juris non servato, sine
longo sufflamine litis, velo levato &c. d. Clem: Sapè de V. S. Clem: dis-
pendiosam de jud: Quas voces & formulas explicarunt, Br: in
Extravag: ad reprimendum. Bl. ad l. 9. § 3. ff. de off: procons: Felin: in
c. dilecti 6. X de jud: Mar: p. 4. dist: 9. Damhud: pr: civ: c. 22. & seqq:
omnes eò intendentes, solennem illam faciem modum & or-
dinem processus ordinarij in hoc judicio cessare; adeò ut et-
iam solennitates substantiales juris positivi remissæ censean-
tur, & causa decidi possit secundum jus gentium, solâ veri-
tate facti inspectâ, manuq; quod dicitur, regia, expediri, *Mar:
d. loc: & Dd. ibid: alleg:**

§. 2. Sed cum generalitas obscuritatem pariat, ad spe-
cialia descendemus, distinctè ostendendo, quænam solennita-
tes & requisita processus Ordinarij in hoc Summarissimo o-
mitti possint, & quæ non possint. Cæterum requisitorum
non omittendorum, quædam simpliciter & in totum, quædam
verò saltem secundum quid, partibus scil: invitis, vel nisi à Ju-
dice suppleantur, omitti nequeunt.

B 3

§. 3. Simo

§. 3. Simpliciter irremissibilia sunt sequentia (1.) im-
ploratio officij Judicis, ut plurimum. Quanquam etiã inficias
ire non possimus, aliquando motu proprio, partibus id non
petentibus, judicem utilitati publicæ hac in parte succurrere
posse, & etiã debere *d.l. equis. ff. de usufr. supr. tit. 2 §. 10.*

§. 4. Hæc autem judicis requisitio per qualem qualem
petitionem cum simplici facti narratione, sine aliã conclusio-
ne fieri potest, modò deliberare reus possit, cederenè, an con-
tendere velit, *Mar. d. p. 4. dist. 9. n. 12. & Dd. ibid. alleg.*

§. 5. Adeò, ut etiã petitio generalis, incerta, obscu-
ra & inepta sufficiat, dummodò ex ea intentio actoris animad-
verti, reusq; liti parare se possit. *Mar. d. loc. n. 12. & 14.* Nec
quidem in scriptis, sed solo verbo fieri, ac per Notarium judi-
cij excipi & ad acta redigi potest, *d. cl. sæpè Mar. d. loc. n. 12.*

§. 6. (2.) Citatio; hæc etenim, ut in omni judicio, itã
nec in nostro Summarijsimo intermitteri, tanquã fundamen-
tum *§. fin. Inst. de pœn. tem. lit. c. 11. X de prob. nequit l. 47. ff. de re
jud. l. 39 ff. de adopt.* Est enim illa juris naturalis *cl. m. pastoralis
2. §. 8. de re jud. Mar. p. 6. c. de citat. n. 3. Schurff. conf. 9. n. 6. probatur
ex Gen. 3. v. 8. & c. 38. 24. adeoq; nec hîc omitti debet Dn. Carpz.
d. l. 1. resp. 10. n. 21. nisi periculum armorum sublit;* quo casu,
omissã citatione, à præcepto incipere judex potest.

§. 7. Causam autem citationi, quamvis in genere sal-
tem, inseri oportet, *c. 2. de dilat. C. primates 5. q. 2. c. 6. de dol. &
contum. Vant. de null. ex def. cit. n. 50 Gail. 1 O. 51. Myns. 5. O 85. Disß:
Gl. ad d. cl. sæpè verb. Citatione m.*

§. 8. (3) Habilitas & legitimatio personarum litigan-
tium; hæc quippè, tanquam basi & columnã quadam, defici-
ente, judicium corrui & redditur nullum; sive in Ordinario
sive Summario versemur, *Vant. tr. de null. rubr. ex def. in hab. n.
3 & seqq. Mar. d. p. 4. dist. 9. n. 38.*

§. 9. (4) Probatio d. Clem. sæpè d. V. s. In probatione
quippè omnis vis & potestas processus consistit, ejusq; quasi
anima habetur *Damb. pr. Civ. c. 157. adeoq; nec in nostro Sum-
marijsimo omitti potest. Vant. de null. ex def. prob. n. 31. cum
seqq.* Ex probatione enim causæ cognitio & examinatio de-
scendit,

scendit, quæ ad naturalem justitiam pertinet. Naturali namq; rationi convenit, ut quis prius cognoscat id, super quo judicare debet; adeo, ut causæ cognitio, & per consequens probatio, quâ sine cognitio fieri non potest, juris divini censetur. *Abb: in c. 1. de caus. poss. & propr: Mar: d. p. 4 d. 9. n. 10. & eâ intermissâ sententia sit ipso jure nulla, ex Br: & alijs Vant: d. loc. n. 30. & seqq:*

§. 10. Non autem plenaria, sed summaria saltem, causæ cognitio, adeoq; nec plenæ & perfectæ probationes, verum leviores & semiplenæ, tantummodò hîc requiruntur *ord: Cam: p. 2. c. 21. ibi; Summarie ohne einigem gerichtlichen Proceß oder weitleufftiger ausführung der Sachen &c: Castr: d. Conf: 3. n. 2. Masuer: d. l. n. 24. ibi; in hoc judicio summatim procedendum, brevi tempore, & parvo testium numero, Cont. d. l. lim. 2. §. 1. n. 12. Men. d. rem. ult. n. 33. Raucbb. d. loc. n. 64 Pruckm. Conf. 23. n. 15, Adeoq; unicus testis juratus, Dn. Carpz. Jurispr. for. p. 2. c. 7. def. 16. vel etiam non juratus, cæteris causæ circumstantiis concurrentibus, sufficere potest Dn. Carpz. d. loc. n. 6 vid. infr. §. 27.*

§. 11. Fit porro probatio in hoc judicio, de jure communi cum primis & ulu magis fori, quàm necessitate quadam per positiones seu articulos hinc inde exhibitos, *d. clem. sæpè vers. & quia. Gail. d. lib. 1. O. 6. n. 8. eosq; articulos, vel partes exhibent, uti dictum, vel Judex ipse efformat. Pruckm. d. l. n. 19. Gail. d. O. 6. n. 3. & 4. Ubi totum istum processum delineat.*

§. 12. (5.) Sententia declaratoria sive interlocutoria, Judicis respectu scil. principalis judicij *Dn. Carpz. d. lib. 1. resp. 12. Capic. dec. 55. Covarr. d. c. 17. Men. dict. rem. ult. n. 46. Pruck. d. loc. n. 28. quis possidere interim debeat, cæterum sententiam istam definitivam quoq; respectu possessionis temporariæ assertæ, appellari posse non ambigitur.*

§. 13. Et hæc sunt requisita illa ex Jure Gentium descendencia, adeoq; etiam in nostro Summarijsimo intantum necessaria, ut altero eorum omisso, sit ipso jure nullum. *Vant. Mar. & alijs dd. ll. sequuntur, quæ secundum quid, partibus scil. contradicentibus, vel si addenda esse Judici videantur, omitui non possunt.*

§. 14.

§. 14. Talia sunt (1) Induciæ deliberatoriæ; Quamvis enim Judex, litem, quantum possibile, contrahere, & dilaciones amputare debeat *d. Clem. sepè, Mar. d. l. n. 21.* ex tamen adversâ parte petente, vel judice arbitrante, prorsus omitti non debent, *Rota, decis. 33. gl. in d. Clem. sepè verb. non exigat, Men. lib. 2. arb. jud. qq. 1. cas. § 2.*

§. 15. Hinc ad probandum exceptiones dilatorias ad minimum una concedenda dilatio, *Capyc. decis. Ut & in testimonio productione. Covarr. d. l. n. 4. Valasc. 1. Consult. 77. n. 15. refert. Pruckm. d. l. n. 59.*

§. 16. Id quod etiam de his exceptionibus dilatorijs intelligimus, quæ in ordinario processu post litem contestationem quoq; opponuntur. *Zang. de exc. p. 1. c. 2. n. 18.*

§. 17. Undè (2.) partes exceptionem Judicis suspecti allegantes audiendæ, sive in initio, sive post accepti judicium, opponatur, *c. 25. X. de off. deleg. l. 32. §. 14 ff. de arbit. Zang. d. l. p. 2. c. 4. n. 6.* Sapienter enim hæc exceptio defensionem quæ in ratione & æquitate naturali fundata, adeoq; non prætereunda *C. qui suspecti. 3. q. 5. Zang. d. loc.*

§. 18. Sic Tertium intervenientem in hoc judicio, utpotè, qui in omni causa & in quacunq; parte Judicij de suo jure interloqui potest, audiendum esse, juri consentaneum est, *vid: Vant. tit. quis poss. dix. de null. n. 20. & seqq.*

§. 19. Laudationi quoq; sive litem denunciationi locum assignamus. *arg. l. 1. l. 9. l. 10. l. 21. C. de vict. cum & aliàs denunciatus ex suâ personâ interveniens audiendus sit, Vant. d. l.*

§. 20. (3) Juramentum calumniæ petitum *Zang. d. p. 1. c. 2. n. 20.* tacitè enim à partibus illud remitti potest. *c. 1. X. de jur. Cal. in 6. vel à judice ex officio additum, etiam post conclusionem in causâ, Gail. 1. O. 84. & 85. Mar. p. 4. tit. de jur. Pruckm. d. l.* Et hæc quidem de jure civilis in foro Saxonico verò juramentum Calumniæ generale penitus ab usu recessit *gl. Lehnreche c. 68. Schneid. ad §. 1. inst. de pæn. tem. lit.* Speciale tamen servatur adhuc, veluti in casu delationis juramenti, vel tergiversationis partium, *Ord. pro. tit. von Eyden 18. §. ferner & c. & ti von dem Eydt malit. 33.*

§. 21.

§.21. (4.) Admittendæ quoque sunt Exceptiones peremptoriæ, de quibus *infra tit. 6. §. 2.* qualis etiam est illa nullitatis super actu die sacro factio; ceu Instrumentorum & testium productio. *Vid. Mar. d. p. 4. d. 16. n. 81. & seqq. & dist. 9 n. 19. Zang. d. p. 1. c. 2. n. 27.*

§. 22. Et hæc sunt quæ secundum quid, partibus scil. opponentibus, omitti non possunt; sequuntur tandem illa, quæ sine vitio processus, partibus etiam invitis, præteriri possunt. Ejusmodi sunt (1) Solennitas libelli, sufficit enim hîc talis qualis cum simplici facti narratione ad acta redacta petitio; ad quam, sicut in Ordinario processu, juxta libellum sententia fertur *d. Clem. sæpè Mar. Zanger. Pruck. dd. ll.*

§. 24. (2.) Trina citatio, sive peremptorium Edictum, de Jure Saxonico tribus quaterdenis constans; hoc enim, quoniam de solennitate potius, quàm Substantiâ judicij, omitti sine vitio potest. *d. Clem. sæpè v. 5. sententiam. l. 1. Cod. si per vim vel al. mod.* Rarò autem hoc tam in isto, quam in alijs Summarijs judicij intermitti videas; verum potius omni actui judicij in omnibus indistinctè causis legalem terminum, eine *Sächf. frist*, uti vocatur, assignari. Qua ratione Lites contra leges & constitutiones, adeoque cum summa litigantium, præsertim Ecclesiarum, aliarumque favorabilium & miserabilium personarum, injuriâ detrimentoque sæpè justo longius protrahuntur.

§. 25. (3.) Litis contestatio, solennis scil. *d. Clem. sæpè. Vicem* enim hujus supplet adversæ partis qualis qualis responsio & contradictio; quemadmodum ex parte actoris qualis qualis petitio loco libelli sufficit; vel etiam illi actus, qui aliàs in processu Ordinario litis contestationem subsequi solent; scil. positionalium seu articulorum exhibitio, aut meritorum causæ disputatio *Men. Damb. Mar Vant Zang. Gaili. Pruck. dd. ll.*

§. 26. (4.) Adversæ partis emanentis contumaciæ accusatio solennis: Judex enim ad præsentis partis talem qualem petitionem absentem absque ulla sententiæ publicatione pro contumaci habere, & vel deuoò decernere citationem, vel, si justa causa fuerit, super ipsâ possessione summariâ decidere & pronunciare potest, *arg. d. Clem. sæpè de V. S.*

G

§. 27.

§.27. (5.) Jurata examinatio testium S. §. 10. h. tit. Men. d. l. n. 39. & arb. jud. qq. 1. q. 26. Zang. d. l. n. 31. Mod. Pist. Conf. 51. n. 16. Pruck. d. l. n. 19. Dn. Carpz. Jurispr. For. p. 2. Const. 7. d. 15. & lib. 1. Resp. t. 2. r. 11. n. 7. Multum tamen hoc casu discretioni judicis permittendum, num forsan testes subornati, vel affectione quadam ducti fuerint &c.

§.28. (6.) Publicatio attestationum Cov. d. l. n. 4. Men. d. rem. ult. ret. n. 40. Gail. d. l. n. 5. & O. 105. n. 1. Diff. Br. in extrav. ad re. primendum vs. summarie, R. Capic. dec. 55. n. 2.

§.29. (7.) Reprobatio personarum & dictorum testium Cov. d. n. 4. vs. septimo. Capic. d. dec. 55. n. 4. Virg. de Bocc. d. l. n. 14. Men. arb. jud. qq. 1. q. 32. Gail. d. l.

§.30. (8.) Conclusio in causâ arg. d. d. sepè, p. 6. Conclusione, ubi gl. & Dd. Vant. d. rubr. ex def. proc. n. 45. Mar. d. p. 4. d. st. 9. n. 32. Gail. l. 1. O. 107. Zang. d. i. p. 1. c. 2. Judex enim, simul atque de causæ meritis sibi constat, pronunciare potest, Nat. Conf. 121

§.31. (9.) Potest insuper Judex in hoc judicio post conclusionem in causâ interrogare partem ad alterius instantiam d. Clem. sepè, p. 5. interrog. quod in Ordinarijs secus, nisi proprio motu ex officio, Mar. d. l. n. 28. & seq.

§.32. (10.) Potest itidem stando proferre sententiam. d. Cl. sepè Mar. d. l. n. 35. Cum in ordinario judicio sedere debeat pro tribunali Nov. 82. c. 3. Mar. p. 6. §. & demum n. 48. Vant. d. l. n. 84. & seqq.

§.33. 11.) Sententia autem ferenda est in scriptis? d. Clem. sepè d. V. S. Vant. de Null. sent. tit. ex. ex def. proc. n. 70. Zang. d. tr. Exc. p. 1. c. 2. in fin. Ubi dicit, tutius esse sententiam in scriptis proferre, quod etiam usu in causis summarijs observari. Idque in specie in possessorio nostro summarijsimo hodiè practicatur.

§.34. Formula ejusmodi sententiæ apud Gail. d. l. 1. O. 6. n. 5. extat, quòd scil. possessio vel qs. penes victorem manere debeat, donec adversa pars in plenario possessorio vel petitorio contrarium obtinuerit, adjunctâ, si judici videbitur, clausulâ, quod è litigantibus victus à violentia vel turbatione interim abstinere debeat, Ord. Cam. p. 2. tit. 21 §. ult. ibi, zuerkennenn
wel-

welchem theil die possession oder qst. einzugeben oder zu in-
hibiren sey/ sich derselben/ bis zum endlichen Austrage des
endlichen Rechtens in possessorio vel petitorio zu enthalte
Vid. Dn. Carpz. Jurispr. Rom. p. 2. c. 7. d. 11. § 12. & lib. 1. Resp. t. 2. r. 9.

§. 35. In Curia Provinc. Witteb. in causâ possessorij hu-
jus ad petitionem partis mandata pœnalia cum clausula emit-
tuntur, & auditis deinde partibus sententia in hunc fermè mo-
dum concipitur; **Auff Mündliches vorbringen in sachen**
mandatorum pœnaliu cum clausulis N. Klägern
an einen/ N. N. beflagte andern theils bel geben HoffRicht-
ter und Bessizer/ diesen bescheid/ aus beyder Partheyen
vorbringen so viel zu vernehmen/ das Kläger der streitigen
und ize geflagten Jagten sich bishero gebraucht/ so wird
es bey dem disfalls ausgewirkten pœnal mandat gelassen/
und Kläger bey berürter Jagt/ bis Beflagter in possessorio
plenario oder petitorio ein anders ausgeführt/ nicht unbil-
lig geschühret. v. r. w. uti Anno 1629. ab Antecessoribus pro-
nunciatum fuisse: à Dn. Præsede percepit. Eademq; verba fina-
lia & decisiva in alijs etiam judicijs frequentissime usurpan-
tur.

§. 36. Verbis tamen non usque adeò solennibus & bre-
vioribus etiam judicem interloqui posse dubium non est; mo-
dò sententia contineat, quis possidere interim debeat, donec
principale negotium decidatur.

§. 37. Petitorium tamen in sententia victo reservari ex-
pressè necessarium non est, verum silentio præteriri à judice
citra præjudicium partis victæ potest, cum ei ipso jure hac in-
parte consultum sit. *l. 9. C. de sent. & interl. jud. l. 3. C. si à non Com-
pet. jud. Cont. d. l. un. tit. notabil. n. 17.*

§. 38. Idem quoque statuendum, si clausula ordinarij
possessorij in sententia omittatur. Siquidem ordinarium à
Summarijsimo longè differt, adeoque sententia lata in uno,
parit exceptionem rei judicatæ in altero; quodnam autem in-
stitutum fuerit, ex actis facile constare potest, *per mod. alleg.*

§.39. Cæterum de remedijs suspensivis, & inspecie quidem de Appellatione, an in hoc summarijsimo locum habeant, magna inter Dd. Controversia est, uti apud *contard. d. loc. tit. intellectus Rauchb. l. d. p. 2. q. 6.* videre est Breviter; Appellationis beneficium in hoc nostro judicio locum non habet. *arg. d. l. un. C. si de mom. poss. app. l. 6. C. quor. app. non rec. l. ult. de Appell. rec. Castr. Cons. 39. Ferrar. pract. in form. lib. in caus. spol. poss. verb. per vestram. de fin. sent. n. 3. Mar. d. p. 4. d. 9. n. 43. & p. 6. rubr. de Appell. n. 305. & seqq. c. ult. §. de possess. 2. q. 6. Capic. dec. 55. Men. rer. poss. rem. ult. n. 48. Gail. 1. v. 7. n. 7. & v. 147. n. 8. 9. Mynscent. 6. O. 13.*

§.40. Id quod & hodiè usus approbat Dn. Carpz. *Jur. For. p. 1. c. 19. de 24. & Respons. d. lib. 1. tit. 2. r. 13. & 14.* Secus de jure Canonico *c. 2. X. ut lit. non cont. c. 15. de rest. spol. Clem. 2. de seq. poss. & pr. Clem. un. de caus. poss. & pr. Dd. mod. alleg. Cont. d. loc. lim. 3. Rauchb. d. loc. Gail. 1. O. 147. Ves. Cons. 1. n. 20.* quanquam & de jure Canon: in hoc nostro Summarijsimo appellari non posse tradat Id. *Contard. ibid. n. 48. & seqq. Bender: de Revis. concl. 35.*

§.41. Sed cum jura de appellationibus loquentia locum quoque habeant in Leuterationibus, in foro Saxonico usitatis, *Moll. ad Const. 19. p. 1. n. 24. Rauchb. p. 1. q. 12. n. 17.* Quæritur, utrum Leuteratio hic admittenda? Regulariter non, Dn. Carpz. *Jurispr. for. p. 1. c. 19. d. 24. junct. def. 1. ejusd. cap. n. 7.* Multum tamen arbitrio judicis hac in parte relinquendum.

§.43. Nullitatis autem remedium in hoc Summarijsimo nostro non excludi verius *Covarr. d. c. 17. Contard. d. loc. lim. 7. n. 1. & seqq. Vant. tit. quis poss. dic. de null. n. 34.*

§.42. Rejicitur quoque restitutio in integrum minoris vel similibus personarum *Capic. dec. 13. Men. d. loc. n. 54. Diff. Contard. de loc. lim. 7. Supplicatio Men. d. l. n. 53. Covarr. d. l. n. 4. Castr. d. Cons. 39. Revisio actorum Alex. in l. fin. n. 28. C. de edict. D. Adr. roll. Rol. à Vall. 2. Cons. 38. Natt. Cons. 172. n. 11. P. Reb. in l. quod jus. sit ff. de re jud.*

TIT. V.

De

FINE ET EFFECTU.

§.

§.1. Finis hujus judicij remotus & communis cum reliqui

liquis est, ut jus cuique suum autoritate publicâ reddatur l. 4. C. de his qui ad Eccl: l. 13. C. de jud. adeoque Justitia, pax & tranquillitas in Republicâ vigeant.

§. 2. Propinquus & proprius mantenentia in possessione, ne scil: quis in possessione sua turbetur, vel impediatur, multò minus eâ privetur l. fin: C. de rei vind. l. fin: C. si per vim vel al: mod: C. 7. X. de privil. in 6. Schurff: cent. 3. Conf. 27. Rixæ item, jurgia & cædes avertantur. Sæpè etenim super possessione, obtinenda partes pro libello ensem vertunt, clypeosque & sævos tridentes offerunt, *Dd. in l. quisquis C. quor: appell:*

§. 3. Effectus ipsa possessio (quamvis non vera, sed momentanea) ejusque fructus & utilitates, gaudet enim omnibus commodis possessionis *gl in c. consultationis X. de off. deleg: Cont: ad d. l. un: rubr: rat: dub: & decid: n. 38. veluti; perceptio fructuum l. 22. C. de R. V. 48. ff. d. acqu: rer: dom: quasi dominium d. l. 48. D. de A. R. D. l. 136. de R. J. l. fin. C. de R. V. Jus resistendi propriâ autoritate l. 29 §. 1. ff. ad L. Aquit: & ejusmodi alia, vide Wesenb. Par. de acquir: vel amit: poss: n. 7. Treut: p. 2. Disp. 21. t. b. 5.*

TIT. VI.

De

AFFINIBUS ET CONTRARIIS.

§.

§. 1. Affinia sunt reliqua judicia Summaria, quæ magno numero congesta à *Mar. d. p. 4. dist. 9. Zang. d. p. 1. c. 1. Ord. Cam. p. tit. 3. Jacob: Schult: Observ: 3. per tot:*

§. 2. Contrariæ tandem sunt exceptiones, veluti rei judicatæ, litis finitæ, transactionis, pacti conventi, vitiosæ possessionis, violentæ, scil: clandestinæ & precariæ *Pruckm: d. l. n. 62. Dominij, in recuperandæ quidem interdicto, si de terre spondendo consentiat Capic: dec: 28. Cont. ad d. l. un: limit: 2. §. 5. n.*

C 3

4. 55.



4. § 5. § 5. n. 21. *tex. in l. si Coloni C. de agr. & cens. Gail: 2. O. 75. n. 3. & seqq.* In retinendæ verò *Cont: d. limit: 2 n. 21. & adipiscendæ, Idem Cont: limit: 12. n. 4. & 6. & lim: 2. §. 6.* Si in continenti probata fuerit. *vid. Men; rem: ret: 3. n. 671. & seqq: Capic: decis: 124. n. 28. & seqq. Cont: d. lim. 2 §. 4. & lim: 12. n. 5. Præscriptionis, Autor: modo alleg: Fach: lib: 8. Controv: c. 13.*

§. 3. Sententia quoque in possessorio Ordinario vel petitorio, pro actore lata, per quam nimirum sententia interlocutoria lata in Summarijsimo, vicissim tollitur; Quo casu momentaneus Possessor una cum fructibus possessionem restituere tenetur *ref. Pruck: d. loc. ex Matth. Castrit: ad Masuer: d. t. de poss. utpote juri consentaneum.*

§. 4. Sed an hoc casu, victo in Summarijsimo, condemnatus postea in Ordinario Possessorio vel petitorio, cogatur extemplò, nulla interjecta appellatione possessionem restituere, an verò remedijs suspensivis, uti contra istam sententiam, possit, quæritur? *Men: d. ret. poss. rem: ult. n. 59.* nullum remedium suspensivum admittit. Contrariam tamen, salva ejus auctoritate, sententiam suadet, quod in ordinario judicio ab omni sententia regulariter appellare liceat, nec hic casus uspiam, exceptus reperiatur.

§. 5. Id quod multò magis de Leutationibus in foro Saxonico asserendum, per ea ea quæ supra *tit 4. §. 41.* adducta.

§. 6. Victor autem in possessorio summarijsimo, quamvis postea in petitorio causa cadat, ad restitutionem expensarum & interesse non tenetur; causam siquidem justam litigandi fovet. *Dn: Carpz: lib: 1. tit: 2. §. 18.*

§. 7. Cæterum contrariorum loco remedia quæq; suspensiva supra *tit: 4. §. 39. & seqq:* enumerata, substitui possunt.

§. 8. Tantum. Monitus meliora sequi non erubesco.

Deo Ter Opt: Max: sit laus, honor & gratiarum actio, nunc & in infinita secula.

Corol-

Corollaria.

1. *Constitutio Aureæ Bullæ Caroli IV. v. cujus Electorum filij anno 18. completo ad legitimam ætatem perveniunt, bonorumq; administrationem accipiunt, ad reliquos principes non pertinet.*

2. *Jure territoriali gaudent quoq; Civitates Imperiales*

3. *Vnde in ejusmodi Civitatibus Senatus catholice religioni unâ cum reliqua turba additus civibus aliquot publicum in Augustanæ Confessionis exercitium quærentibus deferre non tenetur.*

4. *Vi pacis Religiosæ ministrum Ecclesiæ à patrono Augustanæ Confessionis præsentatum collator Pontificius instituere cogitur, non attento, quòd Ecclesiasticam ipsius censuram sustinere non possit.*

5. *Filius per subsequens matrimonium legitimatus in feudum succedit; per rescriptum Principis legitimatus non item.*

6. *Venatio nec inter Regalia, nec servitutes refertur, sed proprium quoddam jus constituit.*

7. *Dominus Emphyteuseos post elapsum tempus canonem recipiendo juri Caducitatis renunciat.*

8. Pri-

8. Privilegium tacite hypothecæ pupilli in bonis tutoris ad ipsius pupilli hæredes etiam extraneos transit: Dn. Carpz. Resp. lib. 4. t. 4. r. 33. contra Berl: & alios.

9. Filius fidei commissio gravatus jure Canonico duplicem quartam legitimariam scil: & Trebellianicam deducit; quæ dispositio usu recepta est

10. Petitorium & possessorium, excepto interdicto Retinendæ, cumulari possunt in uno eodemq; judicio.

Ad Clarissimum

Dn. Candidatum Compatrem & Amicum
veterem plurimumque dilectum:

Quos titulos meritis dudum es, Hos impiger urge,
quod superest Spatij, confice; prompte pedes?
Prompte animumq; simul; Cathedram, me Præsides, scande,
Et Tutor scripti doctus adesto Tui.
Ter seni modo sunt anni, cum Tyro novellus
Lustravi primas, Te moderante, & theses
Hinc letus, gratusq; vicem Tibi reddo; precatus:
Inde Tibi eveniant commoda, & inde foro:

De properab.
gratulabundus.

PRÆSES.

F I N I S.


DA A 6620

ULB Halle 3
002 937 557



DA 17







17.

7. N. 7.

DISPUTATIO INAUGURALIS

De

SUMMARIISSIMO POSSESSORIO

Quam

Ex Decreto & Autoritate Magnifici Jctorum
Ordinis in Celeberrima Academia Wittebergensi

SUB PRÆSIDIO.

DN. GOTHOFREDI SVEVI

Jcti, Cod: Professoris Publici, Collegij Juridici nec
non Curia Provincialis & Consistorij Ecclesiastici, ut & dicasterij
Lusatia Inferioris Assessoris gravissimi, Patroni sui ut meriti,
ita demerendi

PRO LICENTIA

*Summos in Vtroq, Jure consequendi honores publico Exa-
mini submittit*

CHRISTIANUS WESSE

Curia Provincialis & Consistorij Ecclesiastici

Advocatus Ordinarius

Ad diem 12. Julij

Horis ante & pomeridianis

In Auditorio Majori

Typis JOHANNIS RÖHNERI Acad. Typographi

ANNO MDCCLV.